

TESALÓNICA MACĀRĀRĒ

Pablo p̄arí jóaripũ

Ññuduticorigue

1 ¹Yũu Pablo, yũu menamacã-rã Silvano,^a Timoteomena múã Tesalónica macãrã Jesuré padeorí p̄ona macãrãrē ãñudutia. Múã marí Pacũ Cõamacũ, marí Ôpũ Jesucristomena ãñurõ niijã-cu.

²Cõamacũ marí Pacũ, Jesucristo marí Ôpũ múãrē ãñuré ticoaro; ãñurõ niirecutiri tiáro.

Jesús p̄tuaatiri, Cõamacũ ñañarãrē cõãadare maquẽ

³Múã ãsãya wederabiro biirá, marí Ôpũ Jesuré padeonemórã tiíayiro. Cámerí maĩnemóãyiro. Teero tiirá, ãsã tiirucúrobirora Cõamacũrē ãsenire tiorucujãrõ booa. ⁴Múãye maquẽrē ãsã noo wáaro Cõamacũrē padeorãre wedea. “Tesalónica macãrã cúãrē ñañarõ tiipacãri, ñañarõ netõpacãra, wãcũtutua, padeorucújããyira”, jĩĩ, ãseniremena wedea.

⁵Múãrē ñañarõ wáapacari, múã wãcũtutuaremena Cõamacũ diamacũ tiirere eñorã tiicú. Cõamacũjã basocãre cúã tiirírocõrõ ñña, wapa tiiquí. Teero tiirá, múã cúũ p̄torũ jeadara niiã sãa.

Cõamacũ dutiré múãp̄ure jeari, ñañarõ netõrã tiíayiro. ⁶Cõamacũ diamacũ maquẽrē tiigũ niijĩgũ, múãrē ñañarõ netõrĩ tiirãre ñañarõ netõrĩ tiigũdaqui. ⁷Múã ñañarõ netõrãp̄ere yeerisãre tico-gũdaqui ãsãrē ticoadarobirora. Tee wáaadacu marí Ôpũ Jesús p̄tuaatiri. Cũũ p̄tuaatigu, cúũyara ángelea tutuaramena ãmúãsepũ diiatigũdaqui. ⁸Cõamacũrē masĩhãrãrē, marí Ôpũ Jesuyé quetire netõnucãrãrē bayirõ ñañarõ tiigũ atigũdaqui. ⁹Cúã ñañarãrē tiiré wapa cõãdiocogũdaqui. Teero tiirá, cúã cúũ niirõ berupũ cõãnoãdacua. Cũũ ãñurõ tiiré, cúũ tutuarere ññariadacua. ¹⁰Teeré wáaadacu Jesús p̄tuaatiri bũrecore. Tiibũrecore cúũyara cúũrē ãsenipeoadacua; niipetira cúũrē padeorã petija cúũrē ññamanijõãadacua. Múãcã ãsã wederiguere padeojĩrã, cúãmena ãsenipeoropũ niiãdacu.

¹¹Teero tiirá, Cõamacũrē múãye maquẽrē sãĩbosárucua. Cũũ múãrē beserigu niijĩgũ, múãrē cúũ tiirõbirora niirecutiri tiáro. Múã ãñurõ tiidugãrere tiipetiri tiáro. Múã cúũrē padeorã niijĩrã,

^a1.1 Silvanorẽ ãpẽrã “Silas” jĩiyira.

cũĩ tutuaremena tiirére tiipetiri tiiáro. ¹²Múã teero tiirémema marĩ Òpũ Jesús quioníremena usenipeonogũdaqui. Teero biiri basocá múãcãrẽ quioníremena usenipeoadacua. Cõãmacũ, marĩ Òpũ Jesucristo múãrẽ ãñurẽ tico-rémema ññajĩrã, teero usenipeo-noãdacu.

**Jesús putuaatiadarere
wedeguẽnorigue**

2 ¹Mecũtígã marĩ Òpũ Jesucristo putuaatiadarere, marĩ cũĩ-mena neãadarere wedegũda. ²“Marĩ Òpũ putuaatiadari bureco jeatoaa mée” jĩirẽ quetire tuobócu. Múãrẽ tee quetire wederá ateré jĩibocua: “Ûsã Espíritu Santore cwojĩrã, tee múãrẽ wedea”, jĩibocua; o “Pablocã tee jĩi wedewa” o “Pablocã tee ùsãrẽ jóarira niwã”, jĩibocua. Teerẽ tuopacára, wãcũsugueriguere wasorĩ tiirĩjãña; wãcũpatirijãña. ³Cũãrẽ jĩiditonorijãña. Cũĩ putuaatiadari bureco suguero biiro wáaadacu: Paũ basocá Cõãmacũrẽ netõncáadacua; teero biiri sícũ ñañagũ peti bauáẽnogũdaqui. Too síropũ cũĩ pecamepũ jũũtẽrĩjãgũdaqui. ⁴Cũĩ Cõãmacũrẽ, teero biiri niipetire basocá padeoré maquẽrẽ boorígũdaqui. Cũĩ dícuere padeodutígn, “niipetira nemoró uputí macũ niã yũũja” jĩĩgũdaqui. Cõãmacũwii Jerusalén niirĩ wiipũre dui, “yũũ Cõãmacũ niã” jĩĩgũdaqui.

⁵Yũũ múã putopũ niigũ, teeré wedewũ. ¿Múã teeré wãcũrii?

⁶Cũũrẽ cãmotárere múã masĩcu mée. Cũĩ bauáẽñomasĩriqui Cõãmacũ cũĩ jĩiritono jeaheri ména. ⁷“Cõãmacũrẽ bayiró netõncáre wáaadacu” jĩĩriro jearipacari, wáaropũ tiia mée. Ñañarere cãmotágn mecũtígãrẽ cãmotárucujãqui ména. Coterucugũdaqui, tée aperopũ néewanogũpũ. ⁸Too-rã ñañagũ peti bauáẽnogũdaqui sãa. Cũũrẽ marĩ Òpũ Jesús cũĩ wĩãpũremenarã sããjãgũdaqui; cũĩ asibatéremena putuaatígn, cũũrẽ cõãdiocogũdaqui. ⁹Cũĩ ñañagũ peti sicato bauáẽnogũ, Satanás tiiãpuremena jeagũdaqui. Cũĩ tutuare cuogũdaqui. Cũĩ tiieñogũbiro tiirémema basocáre jĩiditogũdaqui. ¹⁰Ñañarémema pecamepũ wáaadare tiiditõẽnopetijãgũdaqui, cũã diamacũ maquẽ maĩrere boorírigue wapa. Cũã netõnerere boorítóaya mée. ¹¹Teero tiigũ, Cõãmacũ cũãrẽ diamacũ maquẽrẽ ññamasĩrĩ tiirĩqui, cũã jĩiditorere padeoré jĩĩgũ. ¹²Cõãmacũ diamacũ maquẽrẽ boohérare, ññaré tiiusénirãrẽ “múã wapa cuoa” jĩĩgũdaqui.

**Cõãmacũ múãrẽ netõnẽadarere
beserígn niwĩ**

¹³Múã marĩ Òpũ maĩrãrẽ sica-topũra Cõãmacũ beserígn niwĩ, netõnégũdu. Cõãmacũ múãrẽ cũũyara sããrĩ tiirígn niwĩ Espíritu Santo tutuaremena, teero biiri múã diamacũ maquẽrẽ padeorémema. Ûsã tee niipetirere wãcũrã,

Cõamacũrẽ ʘsenire ticorucujã-ãda. ¹⁴Ûsã múãrẽ Jesuyé quetire wederiguemena Cõamacũ múãrẽ netõnerigũ niwĩ, múãcã marĩ Òpũ Jesucristo ãñurẽ cʘorẽ maquẽrẽ cʘoáro jĩigũ. ¹⁵Teero tiirá, padeó wãcũtutuaya. Ûsã múãrẽ bueriguere tiinũnũseyã. Tee bueriguere múãrẽ wedewũ; teero biiri tee bueriguere paperapũpũ jóawũ.

¹⁶⁻¹⁷Jesucristo marĩ Òpũ basiro, teero biiri marĩ Pacũ Cõamacũ múã yeeripũnarĩrẽ wãcũtutuari tiáro; múãrẽ padeorucujãrĩ tiáro, niipetire múã wedesere, múã tiirẽ ãñurẽ dícu niãrõ jĩigũ. Cõamacũ cũũ ãñurõ tiirẽmena marĩrẽ maĩquí; marĩrẽ wãcũtutuare niirucujããdare ticoqui; marĩrẽ too síropũ ãñurõ niãdarecãrẽ masĩrĩ tiiquí.

Sãibosãduticorigue

3 ¹Ûsãya wederabiro niirã, ãsãrẽ biiro sãibosãya: “Ûsã Òpũ, mũye queti aperopũ boyeromena sesaaro; ãsãrẽ wãariborora padeorẽmena ñeenoãrõ”, jĩ sãĩná. ²Niipetira marĩ Òpũ Jesurẽ padeoríya. Teero tiirá, basocã ñañarã ãsãrẽ tiidugãrere netõnãrõ jĩirã, sãĩná. ³Marĩ Òpũ cũũ jĩiroroborora tiiquí. Teero tiigũ, múãrẽ wãcũtutuari tiinemógũdaqui; múãrẽ ñañarõ wãari jĩigũ, cãmotãgũdaqui. ⁴Ûsã tiidutiriguere múã diamacũ tiirá tiicú; teerora tiiwãrucujããdacu. Marĩ Òpũ múãrẽ “teerora tiirucúri tiigũda-

qui” jĩi padeóa ãsã. ⁵Marĩ Òpũ múãrẽ Cõamacũ maĩrere masĩrĩ tiáro. Cristo ñañarõ netõgũ wãcũtutuariborora múãrẽ wãcũtutuari tiáro.

“Padeya” jĩicorigue

⁶Jesucristo marĩ Òpũ wãmemena múãrẽ ateré tiidutía: Jesurẽ padeogũno daderi, ãsã dutiriguere tiihéri, bapacutinemoriãña. ⁷Múã masĩcu: Ûsã tiiriguere ññacũrõ booa. Ûsã múãmena niirã, sica diamacũ niirã mee tiiwũ. ⁸Atecãrẽ sícũnorẽ wapatiripacara, yaariwũ. Teero tiirõno tiirá, ñamirĩ, búrecori bayiró peti padewũ, múãrẽ potocódugahera. ⁹“Ûsã bueré wapa ãsãrẽ wapatíya”, jĩi dutimasĩpacara, dutiriwũ. Ûsã padewũ, ãñurẽ bueré ticodugara, múãrẽ ññacũãrõ jĩirã. ¹⁰Múãmena niirã, ateré tiidutíwũ: “Padedugahegunojã yaariããrõ”, jĩiwũ. ¹¹Sĩquẽrã múãmena niirã daderã niirẽ quetire tãowũ. Paderipacara, ãpẽrãmẽna wedesodeaatiayira. ¹²Marĩ Òpũ Jesucristo wãmemena teero tiirãrẽ ãsã biiro tiidutí, wãcũtutuare ticoa: ãñurõ yeeripũnacũtiremena padeya, múãrẽ dusarẽnorẽ sãĩãdara.

¹³Ûsãya wederabiro niirã, páasãtiro manirõ ãñurẽrẽ tiirucujãña. ¹⁴Ûsã atipũmẽna duticorere netõnucãgũnorẽ ññamasĩ, bapacutirijãña, bobooro netõãrõ jĩirã. ¹⁵Teero tiipacãra, cũũrẽ ññatutirijãña. Cũũrẽ biirope wedequẽ-

noña sícũ múãya wedegure wederobirora.

Wedeyaponorigue

¹⁶Marĩ Òpũ basiro añurõ niirecũtire maquẽrẽ ticogú múãrẽ merẽã wáari, añurõ niirecũtire maquẽrẽ ticorucujããrõ. Marĩ Òpũ múã niipetirapũre niĩãrõ.

¹⁷Yũũ Pablo ate niituredarire múãrẽ añudutire ticogu, yũũ basirora jóaa. Yũũ jóarepũrĩcõrõ teero jóaa. Teero tiirá, múã “cũũrã jóayi” jĩĩ ññamasĩãdacu. ¹⁸Marĩ Òpũ Jesucristo múã niipetirapũre añurẽ ticaro.

Nocõrõrã niĩã.